



GETHSEMANI RAWL

(Monthly Prayer Bulletin of Hmar Christian Fellowship Delhi)

Volume No. II | Issue No. 1 | Tuolbuol (January), 2024

'Iengkimah trongtrai le hniin lawmthu hrilsa peiin in dithai chu Pathien kuomah inhriettirin um lem raw se' (Fil 4:6)

Ni sawmthum sung, lal Daria kuoma chauh naw chu pathien amanah mihriem tukhom kuoma thil hni taphot chu sakeibaknei puka tlak ding ti thupek khautak chuh lal Daria-in ziek ngeia insuoin a suoiin a namnghet a (Daniel Bung-6). Chu thupek chuh tlak danglam thei lo a nih. Chu thupek a bawsiet chun sakeibaknei puka tlak a ni ding ti Daniel-in hre zing sienkhawm nitina Pathien kuoma a trongtrai hlak chu a thrul pha chuong nawh. Daniel chuh sakeibaknei puka tlak a nih ngei a sienkhawm sakeibaknei bau anthawk Lalpa'n a sansuok a, lal Daria-in a ram sung po poa mihaiin Daniel Pathien chu tria inza dingin thupek an suo pha hiel bok a nih. Ringtuhai hin ieng hun le hmun a khawm trongtrai hih ei bansan/inthlada ding a ni nawh. Inthlada loa ei trongtrai fan fan chun Daniel anga Pathien ta dinga ram latu ei ni thei ve a nih.

Lawmthu (Thanksgiving)

- Trongtrai, thilpek le thaa rongbawlna hun thra pekin ei um
- HCFD Naupang Sande Sikul Deptt. kum tawp Exam. tarik 03.12.2023 khan tluongtaka nei anih
- Advent Christmas cum Music Fest tarik 16.12.2023 khan DoM&YA huohawtna hnuoiah nei theiin ei um
- HCFD le ei mission fields-a unau haiin Krismas thrataka hman zo theiin ei um
- Lalpa thratna le a thruoina ditum tak zarin kum 2024 ei chuonkai

Damnawhai ta din

- Pi Siemtling Penatu, Nk. Elish Vanrammawi, Pu L. Thagen, Pi Lallawmsang, Pi Rebecca Buhrii le Pi Jenny hai cancer anthawk an damfel ngeina din
- Pu Thangsang Varte, pangngaia a lawn theina ding le Pu Lalsiemlien Khawbung khawm a dam peina din
- Pu Lalremsum Infimate, chuop tieng harsatna nei; Rev. Saithanglur Joute, thuok tieng harsatna nei; Pi Dardingpui Pakhuongte, a pum changtieng pang thunun thei lo (paralysed); Naute Hannah Lalhmangaisang, Delhi-a doctor hung pan; Pu Doa, Delhi-a doctor pana inenkawl; Pi Ngainuom, phieng tieng harsatna nei le Tv. Lalmalsawm Parate, lung le kal tieng harsatna nei

01.01.2024 (Thawtranni)

- Kum thar-2024 lawm prokram-I. Thruoit: Dr. L. Robert Varte, Trantu: Pi Vanlalsung Infimate, Thuhriltu: Pastor Lalsiesang Zote, HCFD Thuring Insam Thruoit: Pu Rohminglien Songate, Pastoral Prayer: Pastor Lalsiesang Zote II. Taksa le thlaraua inhoi le hlawk taka ei hman theina din.

02.01.2024 (Thawleni)

- Shikohabad, UP Mission Field: I. Rongbawltuhaiin hrat nawk zuola hma an lak pei theina ding le II. Remhrieta le varna thratak neia Pathien ditdana hma an lak pei theina din III. Inkhawm phur zuolna neia naupang tam tak an inkhawmna ding le thutak inchuktira, lam-pui indik kawkhmu an hung ni pei theina din

03.01.2024 (Nilaini)

- HCFD MVHI Centre-a Hindi Service rongbawlna: I. Pastor Lalsiesang Zote le Evan. Vanlaltlan Amaw hai ta din taksa le thlarauah Pathien sukratna II. Ringnawtu tamtakin sandamna/piengtharna an hung chang pei theina din III. Ringtharhaiin ringnaah an inthrangliena peina din

04.01.2024 (Ningani)

- HCFD Ningani Zan Trongtrai Inkhawm (Online): Thruoit-Evan. Paozaman, Sharing-Pi Fimneikhaw Ralsun
- Shikohabad, UP Mission Centre: I. Sande Sikul a naupanghai lungril lak thei ding zawng activities hran hran thawpui an ni pei theina dinga inchuktirtuhaiin Pathien anthawka remhrieta thratak an dawng peina din II. Tuition khawm thra lem le changkang lema thaw a ni theina ding le naupang tamtak Lalpa'n a pekna din

05.01.2024 (Zirtawpni)

- Ram le hnam ta din: I. Inthruolna/inpumkhata thra a um pei theina din II. Hmar Inpui le

organizations dang dang a thruoituhai ta din III. Inchukna le sinzawngna kongah tuta neka hratlema hmasawna IV. Kohran/Pawl dang danghai lai inthruolna le inunauna thralem a hung um pei theina din

06.01.2024 (Inrinni)

- HCFD Vengbuk Inkhawmhai ta din: I. Vengbuk tin a thruoituhai ta din Pathien ditdana vengbuk thruoi le enkawl thiemna II. Vengbuk members haiin rongbawlna ah (thilpek, inkhawm le dang dang) hratlema hma ei pan seng theina din III. Vengbuk Inkhawm/HCFD Chawibiek Inkhawma thrang ngai lo/thrang nachang hrelo haiin inkhawm inhaw-kna/biekin pan nuomna lungril neia, an hung inkhawm pei theina din

07.01.2024 (Pathienni)

- Tu kum Sande Sikul: I. Subject (Daniel ziek) hih ringna kalchawina le thlaraua hlawkphana tamtak ei nei thei ngeina din II. Upa Dr. Lalsiemlien Pulamte-in Sande Sikul Superintendent-mawphurna thrataka a hlensuok ngei theina dinga taksa le thlaraua Pathien thranguina.
- Chawibiek Inkhawm (Year Theme Sermon: I Lalram hung tlung raw seh, Daniel 7:27b)-Thruoit: Pu Lalremruot Nungate; Trantu: Pi Patricia; Thuhriltu: Pastor Lalditsak Inbuon, Pastoral Prayer: Pastor Lalditsak Inbuon.

08.01.2024 (Thawtranni)

- Shikohabad, UP Mission Field: I. Ronbawltuhai-Evan. Pramod Kumar le Evan. Paozaman hai bika din taksa le thlaraua Pathien malsawmna le sukratna II. Kohranhai Pathien thutaka an inthranglien peina ding le ringtu kalchawi dan thrahai inchuka an hung hriet pei theina din III. Ringtharhaiin Pathien an hrietna suzkaua a um peina ding le Thlarau

Thienghlim keihruoina, zirtirna le thranguina donga, ringnaah an inthranglien pei theina din IV. Kohranhaiin Pathien rama dinga thilpek pek nuomna lungril an nei zuolna ding le phal taka an pek pei theina din.

09.01.2024 (Thawleni)

- HCFD Naupang Sande Sikul Deptt.: I. Zirtirtuhai ta din taksa hriselna thra le Thlarau Thienghlim inthumtharna le thawpuina II. Naupanghai ta din lungril ngaituona le taksa inthranglienna thra (Luka 2:52)
- Naupang inchuklaihaiin an lekha inchukna thrataka an thaw theina ding le sikul-admission thaw thar ding haiin an sikul dit ah admission an thaw seng theina din

10.01.2024 (Nilaini)

- Bethany Sikul: I. Zirtirtu/thawktuhai (Pi Grace Khawbung, Pi Remthangmawi, Nk. Zilla Khawbung, Ms. Parminder Kaur, Ms. Neetu, Ms. Jenefer Lalhangpui, Ms. Jaya Devi, Tv. Chongsanglur) ta din II. Inchuklaihai an nu le pa hai kuomah Chanchinthra hriina ding kawt an hong pei theina din
- Hari Vihar rongbawlna: Tuition class le Sande Sikul a fe tluong pei a, naupang haiin taksa le thlarau ah malsawmna an dawng pei theina din

11.01.2024 (Ningani)

- HCFD Ningani Zan Trongtrai Inkhawm (Online): Thruoit: Pastor Lalditsak Inbuon, Sharing: Tv. Ramsiemlien Thriek-Inkhawm a thrang mihriem ei pung pei theina din
- Khawvel pumpui Bible inlet le semdar rongbawlna: I. Bibles for the World, Gideons International le hmalatu danghai ta din. II. Bible la hmu lo/tiem lo ha'n an hmua, an hung tiem seng theina din

12.01.2024 (Zirtawpni)

- Thilpeka ei rongbawlna hratlema hma ei

sawn pei theina din

- Chanchinthra hrila ei rongbawlina hih hrattlema a fe pei theina din (Marka 16:15, I Korinht 9:16-18)

- Ei Bible students Pu Lalngilnei Khawbung le a ruolhaiin an inchukna ah thrataka an thaw zawm pei theina din.

13.01.2024 (Inrinni)

- HCFD Nuhmei Pawl: I. Thruotuhai ta din Pathien sukhratna le keihruoina II. An rongbawlina-Faith Promise, Faithram le a dang dang-hrattlema a fe le an thranglien pei theina din.

- Nuhmei Pawl 2nd Saturday Inkhawm-I. Thruoit: Pi Juliet Buonromawi, Mission Report: Evan. Vanlaltlan Amaw, Sharing: Pi Vanlalsung Infimate II. Taksa le thlarau ah hlawtling taka hmgang a ni theina din

14.01.2024 (Pathienni)

- Chawibiek Inkhawm-Thruoit: Pu Rohminglien Songate, Trantu: Pi Lalthangmawi, Thuhriltu: Pastor Steven L. Infimate, Pastoral Prayer: Pastor Steven L. Infimate

- Thlarau le thutaka Pathien ei chawibiek seng theina ding (John 4:23-24) le ei taksahai khawm Pathien chawimawina dinga ei inhlan thar seng theina din (1 Korinht 6:19-20)

15.01.2024 (Thawtranni)

- Ramsung: I. India rama ringnawtuhai hin Thutak an hrieta, an ringa, mi tamtakin sandamna an hung chang pei theina din II. India rama misawnari hai ta din Pathien venghimna le taksa le thlaraua sukhratna III. Kam zalenna dan ang taka hmgang/kengkaw a ni pei theina din IV. Hnam/sakhuo tin zalentaka ei cheng tlang theina din V. Sakhuo zalenna a tak ngeia kengkaw a ni pei theina din VI. India ram hmun dang danga Anti-Conversion Laws le inzawma thubuoi siemkhuma um kristienhai ta din.

16.01.2024 (Thawleni)

- HCFD DoM&YA: I. Worship Team ta din II. Thruoituhai ta din taksa le thlaraua Pathien malsawmna le sukhratna III. Thralai rongbawlina bik (Missionary Fund, Usher-sin le dang dang) hai hih hrat taka a fe zawm peina din IV. Media Team members hai ta din taksa le thlarau ah Pathien sukhratna II. Media Team rongbawlina sin hi a rikin, thaw ding a tam hlak-hrattlema a fe pei theina din.

17.01.2024 (Nilaini)

- Ei biekin hmun thubuoi le inzawmin neitu nina (possession) ei hmu/lak fel vat theina din.

- Pi BK Rose rongbawlina (Gospel Gift Mission): I. Hi rongbawlina fethenga Delhi-NCR le a sevela ringnawtu tamtakin Pathien hring an hung hriet theina din II. Pi BK Rose ta din taksa le thlaraua Lalpa sukhratna

18.01.2024 (Ningani)

- HCFD Ningani Zan Trongtrai Inkhawm (Online): Thruoit-Pastor Lalsiesang Zote, Sharing: Pu Jacob Changsan

- Nk. Ruth Zothrahnieng Sinate rongbawlina: I. Parvah Tuition Centre a inchuklai-naupanghai ta din taksa le hrietna tiengah intranglienna

thra II. Zirtirtu le naupanghaiin ta din taksa hriselna thra

19.01.2024 (Zirtawpni)

- HCFD Ex. Committee members-hai ta din: I. Taksa le lungril hriselna thra II. Thlarau Thienghlima inthumtharna III. Mawphurna-hai Pathien ropuina dinga a hun le hmun pei ah thrataka phursuok pei theina IV. Pathien ditdana kohran enkawl thiemna

- Ramsung: I. President, Prime Minister, Ministers le ram thruoituhai ta din II. States-hai a thruoituhai ta din (1 Timothy 2:1-4) III. Mipui roinrelna hih ani ding ang taka humhal/vong ani zingna din

20.01.2024 (Inrinni)

- All India HCFs-hai Chanchinthra hril rongbawlina hrattlema intrang lien pei din

- HSA Jt. Hqtrs Delhi thruoituhai ta din: I. Pathein anthawka varna, remhrietna le rorelthiemna II. Manipur buoina le inzawma an hmalakna hai hrattaka a fe zingna ding le III. Delhi khawtlang bika inchuklaihai tadinga an hmalaknahai chuh inchukna le sinzongna kongah mi hlawtling tamtak an hung um pha peina din

21.01.2024 (Pathienni)

- Chawibiek Inkhawm (SS Lesson 1-Daniel Lekhabu Overview and 1:1-21)-Thruoit: Upa Dr. Lalsiemlien Pulamte, Trantu: Nk. Grafied Changsan, Pastoral Prayer: Upa Dr. Lalsiemlien Pulamte.

- Thlarau le thutaka Pathien ei chawibiek seng theina ding (John 4:23-24) le ei taksahai khawm Pathien chawimawina dinga ei inhlan thar seng theina din (1 Korinht 6:19-20)

22.01.2024 (Thawtranni)

- Ei pastors hai ta din: I. An insung a din taksa hriselna le Pathien malsawmna II. Thlarauah Pathien sukhratna III. An beramhai an enkawlina ah Pathien anthawka varna le remhrietna
- Ei misawnarihai ta din: I. Pathien venghimna, sukhratna le thlarau thienghlim chenchilna II. Taksa hriselna thra III. A hun le hmun peiah huoisenna a inthumtharna.

23.01.2024 (Thawleni)

- Ram le hnam ta din: I. Pherzawl district-ah lampui thra, inchukna le fakzongna kongah hmasawmna hrattlem a umna din. II. Mizoram ah Hmar trong hin hma a sawn le a hmgangtu an hung tam pei theina din

- Mizoram state ta din: I. Inchukna, fak zongna le vantlang hriselna kongah hrattlema hmasawmna II. A ram sungah remna/muongna a um zing theina din

24.01.2024 (Nilaini)

- Sandam inhrietchiengna ei nei seng theina ding le Lal Isu tuok dingin ei inozap seng theina din (Mathai 25:1-13)

- Lal Isu tadinga siehlaw ringum ei ni seng theina din (Mathai 24:45-50)

- Ei talen hai khawm Lalpa ta dinga thiem le hlawk taka enkawlina sin thawtu ei ni thar seng theina din (Mathai 25:14-30)

25.01.2024 (Ningani)

- HCFD Ningani Zan Trongtrai Inkhawm (On-

line): I. Thruoit-Pastor Steven L. Infimate, Sharing-Tv. Saint Paul Infimate II. Trongtraia ei rongbawlina hih hrattlema a fe pei theina din

- Kum Thupui-"I Lalram hung tlung raw seh" le inzawmin: I. Ei mimal nun seng ah a thar taka Pathien ram indinthara a hung um theina din II. A hun le hmun peia Pathien tadinga ringum ngam le ram latu ei ni seng theina din

26.01.2024 (Zirtawpni)

- Kristien Organizations/NGOs/Church Leaders hai ta din: I. NGOs (IEM, EFI, World Vision India le dang dang) ha'n India rama an hmalakna hrattlema a fe pei theina din II. Sorkar thuneituhai lakah buoina/khuokhirna tuok lo a, zalen taka hma an lak theina din III. Kristien Organizations thruoit le Church Leaders hai po po India India ram siemthratna le sukhmasawmna dinga hmgangruo pawimaw tak an hung ni pei theina din

27.01.2024 (Inrinni)

- Shiv Vihar, Delhi Mission field: I. Ringthar hai in Thlarau Thienghlim chenchilna le keihruoina an dong peina din II. Sorkar thuneituhai le ringnawtuhai laka buoi theina anthawk an him peina din III. Ringthar an pung peina din IV. Rongbawltuhai (Pastor Lalsiesang Joute hai sungkuo, Evan. Vanlaltlan Amaw hai sungkuo, Pu Lalngilnei Khawbung hai sungkuo) ta din Pathien venghimna le sukhratna.

28.01.2024 (Pathienni)

- Chawibiek Inkhawm (Naupang Sande Sikul Graduation Day): I. Thruoit: Tv. Thanglien-sang Zote, Thuhriltu: Pastor Steven L. Infimate, NSS hotuhai trongtraipekna le Pastoral Prayer: Pastor Lalsiesang Zote II. Taksa le thlarau ah hlawk taka hmgang a ni theina din

29.01.2024 (Thawtranni)

- DHWA ta din: I. Thruoituhaiin khawtlang an enkawlina ah Pathien anthawka varna, remhrietna le rorelthiemna pek an ni peina din II. Delhi khawtlang bik le Manipur buoina le inzawma an hmalakna hai hlawk taka a fe zam pei theina din III. Women Wing-hmalakna bikhai hrat taka a fe zawm pei theina din

30.01.2024 (Thawleni)

- Rampuo: I. Indo/buoina (Ukraine-Russia indo, Israel-Hamas buoina) hai hih thrataka chingfel an hung ni vat theina din II. Myanmar ramah mipui insorkarna a ngir nawk theina din III. India threnum ram hai ta din remna le muongna IV. Japan rama lir inhning leia sietna nasa tak tlung le inzawmin: (a) Siettuokhai po po in vantlang nunphung pangngai an hung hmgang nawk vat theina din (b) Hieng ang khuorel sietna hai hih mi tamtakin Pathien hring an hung hrietphana hmgangruo a ni theina din

31.01.2024 (Nilaini)

- Thlatawp ni tak thruoitlunga ei um leiin Pathien kuoma lawmthu hril

- Suoltphachawina (1 John 1:9-10) le Pathien kuoma inhlantharna (Rom 12:1-2)

- Manipur buoina: I. Thrataka chingfel a hung ni vat theina din II. Remna le muongna tuontling a hung um vat theina din

Please visit HCFD official website:
<https://hcfid.in/>